

遂溪縣志卷之十二

重疏遂溪縣護城河道記

知縣 喻炳榮

考唐至德二年改鐵杷縣爲遂溪宋開寶四年隸入海康紹聖中復置元明因之然俱未嘗有城泊洪武七年始有土城之築正統四年邑宰蘇觀政築石城城環以溪濬爲濠塹此邑有護城河之緣起也余於道光二十七年來權邑事登城覽矚諸父老導余曰南北皆山其外堂大河之水則自西繞東而入於海其內堂小溪之水則自東之西而匯於河極得迴環合抱之勢以故人文蔚起庶物

遂溪縣志

卷之十二

藝文

一

蕃昌自昔稱大邑焉乃嘉慶十年間邑人改開新河河從東而徑達於南不繞於西將西南一帶城濠淤塞奸民各私其利築爲蔬圃城內之水不能宣洩疾病叢生彫殘日甚深切隱憂屢以疏復舊河請於當事輒爲奸民所撓事舉而止者至再矣予慨然曰此一邑之事特患一邑之民無定論耳爰集同城文武與士民約議於明倫堂咸然其言經卽勘明故道使紳士譚彰徐相時陸振聲董事鳩工並建石橋二道一日玉帶一日西水越兩月而河濬橋成並於堤岸種以樹竹奕奕然猶舊邑

之規模也邑人請爲文以記其事予曰疏濠護城  
乃守土之責夫何足記惟俯仰數十年間一邑之  
盛衰休否悉關斯河之通塞則斯河之當復舊制  
也已彰彰可考矣吾願後之居是邦守此土者不  
作創新之論而循舊規以享裕大和平之福則予  
之本志也是爲記

新建風神廟記

知縣 喻炳榮

自古聖人在位風伯清塵我

朝通禮內載

天子歲祀風后氏之神又命直省守土有司官祀 風

遂溪縣志

卷之十一

藝文

二

伯於南壇禮至隆也於是通都大邑莫不有 風  
神專廟之建士農商賈咸修禋祀遂邑東西瀕海  
颶風時作揚沙拔木屋瓦皆飛余丁未之秋來宰  
邑事詢問民間疾苦皆以風災爲懼而無 風神  
專廟之建其何以荷 神貺而召 天和查城西  
有官房一所特加丹堊奉 神位於堂與同城文  
武歲時致祭並令闔邑士若民各攜椒酒共薦馨  
香夫迎神賽社粵民是尙舉國若狂而於祀典崇  
祀之可以阜吾民之財可以解吾民之愠如 風  
神者轉不知敬致罹於災不亦重可嘆哉是則斯

廟之建也崇正祀而黜淫祀或於政治民風不無  
小補云爾是爲記

詩

題曹氏園亭

宋樞密雷  
州司戶 寇 準

野靜長原迴亭閒夕吹清登臨時一望海樹與雲  
平

和陳司馬見招

穎川公子重賓僚花竹開筵遠見招飲至夜深人  
欲去颺颺風雨響芭蕉

留題英靈陳司馬宅

遂溪縣志

卷之十一

藝文

三

公餘策馬到英靈幸有官僚伴使星人物熙熙風  
景盛好將佳會入丹青

在儋寄子由

宋學士  
蘇 軾

九疑聯綿屬衡湘蒼梧獨在天一方孤城吹角煙  
樹裡落日未落江蒼茫幽人拊枕坐嘆息我行忽  
至舜所藏江邊父老能說予白鬚紅顏如君長莫  
嫌兄弟隔雲海聖恩尙許遙相望生平學道眞實  
意豈與窮達俱存亡天其以我爲箕子要使此意  
留要荒他年誰作地輿志海南萬古眞吾鄉  
別子由渡海

我少卽多難遭迴一生中百年不易滿寸寸彎強  
弓老矣復何言榮辱今兩空泥丸尙一路所向餘  
皆窮似聞崆峒西仇池迎此翁胡爲適南海復駕  
垂天虹下視九萬里浩浩皆積風回望古合州屬  
此琉璃鍾離別何足道我生豈有終渡海十年歸  
方鏡照兩瞳還鄉亦何有甃假壺公龍峩眉向我  
笑錦衣爲君榮天人巧相勝不獨數子工指點舊  
遊處蒿萊生故宮

次韻子由所居六詠

堂前種山丹錯落瑪瑙盤堂後種秋菊碎金收辟

遂溪縣志

卷之十二

藝文

四

寒草木如有情慰此芳歲闌幽人正獨樂不知行  
路難

詩人故多感花叢憶兩京石榴有正色玉樹真虛  
名粲粲秋菊花卓爲霜中英萸盤照九重纈藥兩  
鮮明

幽居有古意義非分西墻誰言三伏熱止須一榻  
涼先生坐忍渴羣囂自披猖衆散徐酌飲逶迤味  
尤長

先生飲土墉無物與劉叉何以娛醉客時齷砌下  
花井水分西隣竹陰借東家蕭然行脚僧一身寄

天涯

東齋手種柏今復幾尺長知有桓司馬榛莠爲遮  
藏近聞南臺松新枝出餘僵年來此懷抱豈復驚  
凡亡

新居已覆瓦無復風雨憂檜木與籠竹小陰亦可  
求尙欲煩貳師剡山出飛流應須鑿百尺兩縷載  
一牛

自雷適廉宿淨行院

荒涼海南北佛舍如鷄栖忽此榕林中掛空飛拱  
楣當門冽碧井洗我兩足泥高堂磨新磚洞戶分

遂溪縣志

卷之十一

藝文

五

角圭倒床便甘寢鼻息如虹霓僮僕不肯去我爲  
半日稽晨登一葉舟醉夢十里溪醒來知何處歸  
路老更迷

天寧寺閣提花三首

宋丞相李綱

阻涉鯨波寇盜森中原回首涕成霖清愁萬斛無  
消處惟有幽花慰客心

深院無人簾幙垂玉英翠羽燦芳枝世間顏色難  
相似暗雪初殘未墜時

冰玉風姿照座寒炎方相遇且相寬紵衣縞帶平  
生志正念幽人尙素冠

贈琮師

師居湖光巖建炎三年丞相李綱貶雷遊巖師來謁贈之

萬里謫居來海嶠眼中衲子見絕少方袍圓領動  
成羣與俗不同出其表琮師乃是雷陽人徧歷叢  
林參學飽歸來卜築瘴海濱千里湖光巖洞小深  
居不復卽城市宴坐惟知侶猿鳥惠然顧我意良  
勤野鶴孤雲自輕矯風姿已含蔬筍氣語論更將  
藤葛繞茆叢深處見篁筠使我困懷欲傾倒爲君  
聊復戀幽棲訪舊終須乘莽眇煩師飛鳥過天台  
爲問了翁何法了

還至城月別琮師

遂溪縣志

卷之十一

藝文

六

衲子來參去不辭更勞飛錫遠追隨贈師銀布勞  
收取便是金襴囑付時  
好住湖光攝此心有緣終會有知音梁谿老去孤  
峯頂月白風清難更尋

題湖光巖

元宣慰司

曾留遠

天風吹送入閩船來結遊湖未了緣一徑僅容飛  
鳥過四山如護老龍眠禪心秋月寒潭外客思孤  
雲夕照邊却笑梁谿元不到清吟空把斷碑傳

題湖光巖二首

元宣慰司

凌中奉

避暑投陰正午初臨流無奈水涼何莫言一掬湖

光小會活蒼生雨露多

數頃湖光我到初蓬萊三島更如何參禪人去空  
遺蹟瑤草瓊花依舊多

過遂溪書事

明巡撫尙書  
征黎駐雷蔡經

百雉荒城小嶼陰熊車行部此初臨野田索莫人  
烟少茅屋橫斜風雨深戎馬共馳黎母役催科應  
憶石壕吟海隅多事嗟民瘼保障須存撫字心  
九日同按院登一覽亭四首

蒼茫身世似浮槎踪跡聞關到海涯萬里啣恩天  
上闕五羊回首夢中家風高還賞三秋景客久同

遂溪縣志

卷之十一

藝文

七

看幾度花柱史霜威欣接滕萊萸共泛海天霞  
秋風何事泛仙槎欲斬長鯨黑水涯帝力不知休  
采芑君恩未報敢言家興來且盡盈尊酒老去難  
簪滿鬢花寶剎層層堪送目天邊歸鳥襯飛霞  
滄溟淼淼擬乘槎自笑浮生未有涯五嶺頻年馳  
使節一竿何日傍漁家光輝幸捐中臺彥瀟灑曾  
看上苑花佳節不妨棲海嶠萬重秋色瀉流霞  
極目南荒海上槎風波潏潏去無涯通津盡日馳  
車馬野老何時臥室家沙淨湖空飛白鳥地偏秋  
暖未黃花明年相憶登臨處一覽亭高掛紫霞

登石門嶺

明徐聞知縣 張大猷

宇宙恣奇觀汗漫明遐軌稟度謔賢哲追隨還錯履譚天與碣石飛觴挹流水悵望暮雲停千秋感慨起

題石門嶺

徐聞人 鄧宗京

性僻耽幽興尋真歷荒島拂石莛濃陰鷺鳴柳谷早中有珊瑚仙授以金光草願言駕迷津安羨丹邱好

東城樓宴

兵巡道 翁溥

歲暮孤城上樓高四望開野陰平接海山勢迥擎

遂溪縣志

卷之十一

藝文

八

雷汛梗身仍遠飛雲首重迴同袍萬里客落日共

啣盃

宿橫山堡

空山落木雷陽路野戍荒煙歲將暮夕陽繫馬向孤城窮徼何人歌五袴十年湖海戀明光萬里庭幃思故鄉冠蓋明朝問民俗鷓鴣今夜斷人腸

度嶺

武進士 錢方起

東粵天開道阻長嶺南高望曉蒼蒼千尋丹嶂連空起百轉青溪赴海忙風景入冬渾似夏巖花挹露未經霜雁飛不到知何處身在梅心古驛傍



雷陽弔古

爛字殘碑處處橫南朝故實盡塵羹章惇自昔居  
難傲蘇氏於今亭尚名信史千秋誰近是東流萬  
古孰能平願留一片蕭條地喚醒他年未了情

二蘇亭弔古

擎雷風景近如何每憶蘇亭不忍過萬里投荒猶  
兩地暫時携手共離歌遺文有碣苔橫亂餘韻無  
風水自波寂寂看花人去後牛眠春草夕陽多

初遊湖光巖

邑御史 陳貞豫

巍巍嶺上一湖天往事傳聞不計年老嫗既能知

遂溪縣志

卷之十一

藝文

九

實地白牛何事變桑田巖邊樹老雲添色鏡裡波  
光月共圓南海先生遺蹟在豈無高躅繼前賢  
再遊湖光巖

十載寒窗志未酬湖光巖畔喜重遊山僧老去碑  
猶在玉女粧成鏡未收高接雲衢憑遠眺底通湖  
廣理難求登臨莫問前時事空使沉魂恨白牛

湖光巖

邑知府 王吉

嵯峨嶺上一湖天懷古今人憶昔年老嫗不囚停  
竹杖白牛應盡陷桑田巖連曙色春常在水浸湖  
光月漾圓我問後坡如响答書聲長此啟今賢

紀應

炎號  
後坡

禦寇巡視海道至巖留韻

川太守 林西橋

久抱烟霞志未償省方遙入水雲鄉  
波搖星斗龍吟曙翠滴潺湲  
鶴夢涼仙去壇空丹竈在客來花落石牀香  
翛然一豁乾坤眼駐馬微吟對夕陽

湖光巖

邑舉人 陳其峩

誰人鑿破混沌初剖向天南作鏡湖  
沙白水清魚可數巖深樹古鳥相呼  
重籠長住西來佛斷碣猶題宋大蘇  
常見蟠龍潭內起白牛之說有之無  
出雷州東門閱白鶴寨並雙溪砲臺

杜臻

遂溪縣志

卷之十一

藝文

十

十里雷東道清時氛祲消樓船白  
鶴威鎖鑰錦囊遙孤塔凌城堞  
雙溪帶海潮耕耘春正好生計及  
漁樵

同李撫軍登家山嶺望西海

為覽雷西勝中丞共使車家山開宿霧  
海道接流

沙家山南有流沙港

抵掌籌邊切披圖對景賒還期  
荒野

外編戶盡桑麻

湖光鏡月

縣東南六十里湖光巖前一邑勝境

宋國用

峭壁懸清湖澄川照玉壺遊魚驚杵搗  
噪鵲亂枝呼鑑撤光還在霞殘影若無  
纖埃毫不染同繪水

天圖

陸泉冰心

在府城北二十里  
宋太守陸贄公泉

炎方罩碧霞  
刺史獨清華  
鹿洞車隨露  
羽經玉點  
茶山安泉出  
乳地靜石生  
花憇足遊亭  
下冰心照  
白沙

百丈通津

特侶塘有百丈橋  
宋太守李仲光有記

誰峙白雲坡  
驅車緩步過  
塔搖天上影  
虹駕水中  
波蜿蜒蛇長  
卧潺湲石刺  
多洋田今已  
熟遲聽野  
童歌

鹿瀦蓮洲

在東海島上

遂溪縣志

卷之十一

藝文

十一

寧華海外叢  
羞與俗塵同  
藕接雲根白  
荷鋪石渚  
紅沙浮隨上  
下蒂回任西  
東狂蝶紛紛  
採孤貞獨  
自雄

蓬萊花仙

瀾洲地縣西南二  
百餘里在海島上

捷徑豈天台  
幽香自可裁  
輕搖巖下舞  
彷彿葉中  
開海濶花生  
浪峯高石鎖  
苔飄揚難擬  
似清淨卽  
蓬萊

七星拱秀

卽七星嶺宋蘇  
東坡題其石

北斗洵非遙  
南煙趨紫霄  
峯清天外月  
石煥海邊  
潮錯落文光  
峙參差筆勢  
喬七星應不  
遠環抱聖

明朝

石門雙峙

縣東四十餘里

萬壑茫無間石門鎖一關魚龍驚合水斗月淡分  
山玉柱重崖立金星對面攀安瀾從此入海若列  
朝班

東海波恬

雷志八景之一

飛波動海雲下瀨羨將軍浪靜鯢眠穩風和月影  
紋蜃宮駕閣彩鈴雨奏醪薰孤島今航渡桑麻遍  
處聞

湖光鏡月

教諭

陳繼度

遂溪縣志

卷之十一

藝文

十一

十里烟波蕩漾清隔花遙唱打魚聲鳥歸水岸干  
林迥月到湖巖一片明華露遠天侵寺冷薰風南  
國上衣輕共傳忠定逢僧處留得詩題在翠屏  
陸泉冰心

陸公爲政有循聲留得甘泉共著名幽潔自宜高  
士濯空明長比使君清氣通山澤隨潮長品試茶  
經汲月行共道楊雄能奏賦臨流無限古今情  
百丈通津

濠梁遠接古津頭碧樹參差入望幽烏鵲橫飛星  
漢曙彩虹長飲海天秋詩吟驢背過斜日釣罷漁

歌起暮舟一自長卿題去後只今誰得繼風流  
鹿瀾蓮洲

芙蓉十里接洪波疑是仙洲近絳河暇日偶來乘  
桂楫輕風爭送采蓮歌紛紛紅霧金沙映冉冉清  
香玉井多太華峯頭開十丈較將鹿瀾近如何  
蓬萊花仙

瀾洲花島卽蓬萊玉蕊紅霞拂岸開王母好將仙  
種護飛瓊曾折豔枝來蟠桃天上虛傳熟月桂人  
間總易栽自有清香遺海外伊誰移植向瓊臺  
七星拱秀

遂溪縣志

卷之十一

藝文

十三

海上曾過宋逐臣書題猶見墨痕新豈因萍梗依  
南極遂借峰巒拱北辰日日山光長聳翠年年斗  
柄自迴春携來蠟屐舒登眺詩滿奚囊得句神  
石門雙峙

雙闕峩峩蒼靄間中流相對日潺潺雲連海上朝  
長曉月帶潮來夜不關春暖魚龍乘浪出天晴鷗  
鷺浴波閒東溟此見乾坤闢䟽鑿何年控百蠻  
東海波恬

東望悠悠盡海天安瀾人尙說當年微風不動滄  
溟上旭日長懸若木前夜釣一竿乘月出春潮萬

里與雲連盡消險阻南荒外舟楫時思濟巨川

陸泉冰心

邑進士 洪泮洙

天生南守闕荒烟高誼反將北斗懸象海環瞻新  
歲月扇沙無改舊山川清心如水幾人似遺澤垂  
棠此地傳誰道遠來多瘴癘炎方尙有陸公泉

鹿瀕蓮洲

幽芬迥出復何儔幾度人間不老秋面似六郎香  
更遠步憐妃子色長留仙姿不受塵埃點玉骨任  
教風雨稠羞向吳宮競秀麗清涼剩有百花洲  
百丈通津

遂溪縣志

卷之十一

藝文

古

陣陣風清百丈長蒼茫天降水雲鄉飛沙堆積埋  
歸路斷石橫波迎夕陽周道當年歌砥矢畏途此  
日慶康莊逢人多少農家子牛背吹笙引鳳凰  
蓬萊花仙

烟花島上四時開夢入滄洲好遣懷聖世恩波饒  
澤國王家膏雨沐春臺崆峒象外遺仙掌浩蕩空  
中無俗埃舉首應知紅日近人生何處不蓬萊

東海波恬

海色連天鼓豔陽滄洲路有古仙鄉光瑤珠浦波  
添錦綵結蜃樓氣致祥鬣鱗不驚漁父夢鮫宮一

任海鷗揚應知咫尺扶桑地長看澄清此一方  
七星拱秀

層巒踈散白巖崢忽見南天北斗橫平浦山頭呈  
特秀岐嶇頂上聚羣英躔分奎壁千年照氣列薇  
垣一樣清留得坡仙題昔句好將選勝並天生

石門雙峙

絕壁崔嵬水一灣蒼苔古石碧峰寒玉門重樹擎  
天柱金莖雙懸承露盤捧月潮聲開海道追風帆  
影逐洄瀾登高何事尋歧路採勝奚囊自往還

湖光鏡月

遂溪縣志

卷之十一

藝文

十五

獨步巖頭四望空雲堆樹裏影朦朧遊魚縱壑穿  
波徑野鳥踏晴向晚風半榻撞鐘緣未了萬竿飄  
竹韻猶工青山若解主人意留作磨崖萬古同

憶湖光巖二首

湖水連巖閣金莖接大荒雲深人斷影僧去石留  
牀魚卧滄波室猿升薜荔牆乾坤遺勝槩到處莫  
能忘

仙掌擘雲端飛泉湛玉盤日高聽吠夜春盡木生  
寒洞寂棲燐影潭空宿月闌故人仍健在陟彼一  
何難

伏波廟 在郡城

孤舟伏浪薄雲煙俯瞰鮫宮感化先威震綠林新  
至眷名登青史舊勛傳交南日暖波常靖合浦春  
深花自妍毅烈凌霜光俎豆擎雷山下四時天  
耀日忠肝照碧波勛高南史未曾訛古智遺澤憑  
雲鎖舊祠凝烟帶雨過飲馬開山福物遠橫舟衝  
浪濟人多每談往事思前哲矍鑠當年志不磨

湖光巖

鄒 雙

湖光如鏡野鳧鄉山色平分萬頃塘波照晴嵐金  
蹙縐露零青嶂玉生涼避人好鳥依巖樹出岫聞

遂溪縣志

卷之十一

藝文

其

雲散錦章高下盤桓那得盡移樽小醉夕陽傍  
極目龍堆澤國濱天光潭影絕氛塵空明遠映遙  
岑外窈窕潛通怪石垠百尺湖吞峯上月四時花  
發洞中春桃源景幻迷歸路願逐漁郎再問津

雷祖廟銅鼓歌

楊晃岱

昔人傳信復傳疑雷祖降神神而奇若翁有夫九  
耳動一聲霹靂成嬰兒須臾百靈走奉役阿香推  
車電贈策奔馳日道飛星躔指揮兩師叱風伯一  
朝舉手開天關傅翼飛去不飛還雷人思之不得  
見相與結廟英榜山英榜山前廟最古當年墾闢



金在土陰陽爲炭天地爐造化鑄成三銅鼓至今  
銅鼓懸廟堂長調律呂和宮商不須刻桐爲鯨扣  
人人自可操漁陽昂藏丈夫高引肘游嬉童子齊  
拍手拋磚擲瓦動地來破裂一聲人散後誰知其  
物具神通已破還完數日中花紋爛斑更新樣一  
再擊之聲逢逢爾來一千有餘載宇宙中聲長自  
在一天風月鳳鳴山萬里波濤鼉噴海世間神物  
不輕邀英靈不滅聲不銷藉以和鳴

國家盛神之爲靈誠昭昭

採珠謠 戒勞民也

遂溪縣志

卷之十一

藝文

七

去年採蚌可剗今年採岸已枯去年猶有無珠蚌  
今年無珠蚌也無青泥滑滑深拍肚黑風獵獵吹  
葦蘆子憐父妻憐夫相約欲負逋官令哥哥行不  
得忍作沒水長脰兒驪龍若睡可將其鬚鮫人有  
淚可貯一壺鮫室難入龍難屠白手出水空嗟呼  
海稅猶急催田租妻子收繫將爲奴結爾珠簾十  
二行誰惜海上帆編蒲躡爾珠履三千客誰惜海  
濱偃僂軀惟我

聖朝惠澤敷爾來將近二百載瀕海之人罷採珠罷採  
珠老擊壤少含哺一片歡聲騰海隅

南亭卽事四首

喻炳榮

身世原如寄天南有此亭

余字南亭因亭在城南卽以余字名其亭

山剛繞郭花竹恰成屏撫字頭新白論文眼尙青

牧童能解讀牛背也橫經

官與民同憩經營耻自安苦心支破屋

購徐氏破屋改建

眾志挽狂瀾

改復西流於亭側

玉帶雙龍抱

建橋二道一日西水一日

玉帶金甌百雉完

督率邑紳修城至是工竣

於茲攬形勝不獨井

田寬

我有心田在終朝亦課耕飄零新宦橐羞澀舊經  
籟奔走消豪氣謳歌見定評不堪亭長笑手版送

遂溪縣志

卷之十一

藝文

六

還迎

仙尉欣重見亭成雅詠傳

少尉沈挹蒼首唱索和

眾賓都擊

節壽叟快登筵

有壽民趙氏兄弟夫婦百齡是日其兄扶杖來遊留醉於此

懶

奕忘羸負

亭前有石枰

流觴任後先松風宜醉耳聊復

抱琴眠

予初擬省行茲因事阻故未二聯及之

登遂城遙望

朱德華

遂城形勝控全雷射馬山前勢壯哉雙澗交流新  
漲合七星拱秀曉嵐開石門鎖鑰銷鯨浪珠海璠  
璣蘊胖胎更覺此間仙界接雲蒸五色大蓬萊  
遊湖光巖

張鳴謙

竹杖芒鞋一冷官湖光巖下獨盤桓寄懷活水心  
源淨景仰高山眼界寬鳥道參天天闕近龍潭翻  
浪浪花寒宋賢書法留遺蹟多少遊人着意看

南亭

南亭新築舊城旁白石欄杆白粉牆西水小橋環  
曉漲東郊孤塔倚斜陽循陔春草同蘭秀饁畝秋  
菘雜稻香更有薰風能解愠太平景象在農桑  
赴湛川遊湖光巖止宿二首

沈元

龍潭直境清幽忙裏偷閒一解愁前度已拋知  
已約今朝恰與老僧遊眼從雲水光中洗身寄烟

遂溪縣志

卷之十一

藝文

矣

林靜處留山上有湖湖外寺此間風景似羅浮  
白牛往事費疑猜醉向山僧說一回有劫縱然無  
處解此湖究竟爲誰開若非丞相題名去那得遊  
人探勝來我亦吟詩留峭壁呼童快掃石間苔

古蹟

居今好古往往稽簡篇之紀載述故老之傳聞其事其人猶涉恍惚若古蹟具在則信而有征矣遂邑舊縣有基新安有驛可溯昔人建置之由堂號崇猷亭名清政可思昔人樹立之績他如鹿洲龍石玉井珠池境著奇幽物鍾靈寶凡邑中垂留勝蹟皆好古者流覽所不忘也特并書之而以瑩墓

附焉志古蹟

古蹟志

湛川縣故址

在二十六都湛川村距縣五十里隋改樞川大業初廢入扇沙不可考

遂溪縣志

卷之十一

古蹟

九

鐵杷縣故址

卽府志通志所載廢遂溪縣也遺址在今舊縣村以水名鐵杷溪故名

桐油驛故址

在二十五都桐油村距縣三十里元至元十七年建天間改創今廢

城月驛故址

在二十二都城月村距縣南九十里洪武九年遷本村建

新安驛故址

在二十二都下村明洪治間裁革

湛川巡檢司故址

在二十六都湛川村距縣西五十里元至元三十一年設卽今

湛川縣地也洪武三年遷今廢

濶洲巡檢司故址

在第八都博里村海島中距縣西一百里元至元三十一年建

洪武七年遷蠶村今廢

崇猷堂故址

在二十二都地名文墨鄉咸淳五年尙志建元未始廢

文明書院

在第八都樂民所城內詳載書院歲久圯壞遺址尙存

清政亭

縣西惠民坊橋上

祭海亭

在縣南第三都英靈村明成化二十二年知縣黃瓊建每歲春夏仲月十二日郡官

遙祭海神於此今廢

去思亭

在縣西明嘉靖間士民為知縣班佩建久廢

清詠亭

郡志載明嘉靖四十年推官張鳴鳳建於縣治城西南二水合流之上年久傾圮

詢諸邑人莫能稽其舊蹟國朝道光二十七年署知縣喻炳榮於西水橋側築亭亭畔闢復連池

是亭焉

南亭

道光二十八年署知縣喻炳榮重疏西流以達於南而灌於東於西水橋側贖徐氏廢屋

三椽改建斯亭環以曲欄政暇課耕於此地與遂新義學相近可能知聲因有楹聯曰喜見兒童來

問字問聽父老話耕田

遂溪縣志

卷之十一

古蹟

二

萊公井

在英靈里祭海亭前宋寇準經遊此地飲而甘之因名嘉熙間知軍事薛直夫立亭

其上

王堂井

在縣南一百三十里篤信鄉泉上有石周圍三丈餘石上有仙人馬跡俗名仙泉其

泉北合溪湖流人通明港

龍王廟

在討綱村前有海嶼三壑上有怪樹離奇人樹龍王廟有泉淡而甘號龍泉天旱祈

雨於此取勺水至此雨

蓮池

縣南城內清政亭下明洪武間縣少鄧湯中建亭鑿池種蓮

放生池

在縣南宋知軍事陳大震於傍塘水際築堤為池

鹿洲

古志稱東南八十里有鹿洲地沃腴或產蓮花居民百餘家或謂即東海地或曰自府東

達東海皆斤鹵鹹潮不產荷且以里至言之東達下雷為近今東海之北地名東頭山上多

荒林產鹿意者其此  
是乎記以俟考定

武樂水也自螺岡發源南流轉東入海卽庫竹渡水

水聲潮湧與軍中笳鼓之聲音相答因名

龍爬石在舊縣東五里宋嘉定九年天大雷雨而

旋爲潭鄉村人每遇天旱于此求雨府志載

此石在徐閣按通志又列遂溪附記于此

仙人石尺樂民城北有石一方長一丈有六尺廣五

名其石爲仙人石

金牛在第八都襖郎村唐開元中見一牛色如金

五寸許破取之乃金也因創庵穴處名

白牛詳見湖光巖記竊覽石城縣志所傳羅湖古

遂溪縣志

卷之十一

古蹟

三

其城垣基址猶有存者今巖湖乃大嶺中自湖爲

湖四圍絕壁參天非村舍之場意天地開闢自有

此事謬傳亦未可知

石牛在第三都馮村之前陳時有客驅牛至此夜

鳳珠墩縣南九十餘里黎村社仙鳳村前平田上

墩俗呼爲仙鳳脚珠故冬

塚墓

宋蕭莞師墓

在縣南傍塘館舖之側

鄉賢紀應炎墓

在縣東南五十里那甜山旗竿嶺

鄉賓王

吉墓

在黃畧村前溝東嶺

鄉賢陳貞豫墓

在溫良北界

鄉賢彭

硬墓

縣東北三十里麻鈴東界嶺

